

# INFORMACIJA

## O STANJU NA PODRUČJU KANTONA SARAJEVO 25. MAJA U 9 SATI

Štab civilne zaštite Kantona Sarajevo je u toku jučerašnjeg dana u koordinaciji sa općinskim štabovima civilne zaštite nastavio sa aktivnostima na otklanjanju posljedica od poplava i klizišta, prije svega u sardnji sa Zavodom za javno zdravstvo Kantona Sarajevo na preduzimanju neophodnih sanitarno-higijenskih mjera nad područjima koja su bila ugrožena od poplava i klizišta, a sve u cilju sprječavanja i suzbijanja zaraznih bolesti i očuvanja i unaprijeđenja zdravlja stanovništva.

Štab civilne zaštite Kantona Sarajevo je u saradnji sa KJKP „Vodovod i kanalizacija“, a na osnovu zahtjeva Općinskog štaba civilne zaštite Vogošća, jučer angažovao navedeno KJKP da vrši kontinuiranu isporuku vode za piće putem cisterni u slijedeće MZ: Svrake, Blagovac, Vogošća I, Vogošća II i Semiozovac.

U toku jučerašnjeg dana, Štab civilne zaštite Kantona Sarajevo je nastavio sa aktivnostima na pružanju pomoći u čišćenju i sanaciji nastale štete najugroženijim općinama u BiH.

Tako je, na osnovu aktivnosti koje provode Vlada Kantona Sarajevo i Štab civilne zaštite Kantona Sarajevo na pružanju pomoći u sanaciji poplavljenih područja u BiH, u toku jučerašnjeg dana na raščišćavanju poplavljenih područja u općini Maglaj je bila angažovana slijedeća mehanizacija od KJKP: 2 cisterne i 2 velika kiper kamiona za odvoz kabastog smeća od KJKP „Rad“, 1 specijalno vozilo VOMA i 1 kiper kamion od KJKP „Vodovod i kanalizacija“ i 1 grejfer i 1 kiper kamion od KJKP „Park“, 1 grejfer i 1 kiper kamion od KJKP „Pokop“, 1 mini autobus za prevoz radnika od KJKP „Gras“, kao i ljudstvo koje opslužuje navedenu mehanizaciju, te predstavnik Štaba koji koordinira svim aktivnostima na terenu.

U koordinaciji Štaba civilne zaštite Kantona Sarajevo i JU Dom zdravlja Kantona Sarajevo, 20 uposlenika navedene ustanove je jučer angažovano na saniranju doma zdravlja u Maglaju. Za njih je Štab civilne zaštite Kantona Sarajevo obezbjedio 20 lopata, 20 pari gumenih čizama, 20 pari rukavica i 5 ručnih kolica.

U organizaciji Štaba civilne zaštite Kantona Sarajevo i Općinskog štaba civilne zaštite Ilidža u toku jučerašnjeg dana na otklanjanju posljedica od poplava na području općine Olovo su angažovane slijedeće snage: 1 cisterna sa posadom od PVJ Kantona Sarajevo, 1 manja cisterna i 1 kombi od DVD „Kenan Slinić“ Ilidža i oko 81 ljudi sa altom za čišćenje.

Štab civilne zaštite je u koordinaciji sa Općonskim štabom civilne zaštite Novo Sarajevo organizovao 1 autobus do 50 sjedišta za prevoz navijača FK Željezničar na relaciji stadion Grbavica-Pridjel Donji, općina Doboj Jug, koji su jučer radili na otklanjanju posljedica od poplava u Pridjelu Donjem, te stanovništvu na tom području uručili pomoć u hrani i drugim potrebštinama.

Također, Štaba civilne zaštite je organizovao prevoz autobusom 50 aktivista-dobrovoljaca na relaciji Zemaljski muzej-Nemila, koji su u toku jučerašnjeg dana radili na otklanjanju posljedica od poplava na području Nemile.

U toku dana Crveni križ Kantona Sarajevo je uputio dva kamiona pomoći u hrana i drugim potrebštinama na područje općine Žepče.